

Thaum Yexus hnov tus thawj tubrog hais li ntawd, Yexus xav tsis thoob li, Yexus tig mus hais rau cov neeg coob coob uas lawv Yexus qab hais tias, kuv qhia rau nej hais tias, txawm yog hauv cov neeg lxayees los, kuv tsis tau pom muaj ib tug muaj kev ntseeg npaum li tus no.

Kuv qhia rau nej hais tias, yuav muaj neeg coob coob tuaj puag pem hnuv tuaj tuaj, thiab tuaj puag tim hnuv poob tuaj. Lawv cov ntawd yuav nrog Anplaham, lxaj thiab Yakhauj zaum ua ke noj haus hauv Vajtswv lub tebchaws.

Tiamsis cov neeg uas twb tsimnyog yuav mus hauv Vajtswv lub tebchaws, lawv tsis tau mus rau qhov lawv tsis nloog Vajtswv lus. Luag yuav muab lawv pov rau hauv qhov tsaum ntuj uas nyob sab nraud. Lawv yuav quaj qw tom hniav qees nraud.

Yexus hais rau tus thawj tubrog ntawd hais tias, koj cia li rov qab mus tsev, yeej yuav muaj raws li tej uas koj ntseeg. Tamsis ntawd tus thawj tubrog tus tubqhe tom tsev tej mob zoo hlo. (Mathais 8:1-13)

Yog leejtwg muaj mob, nws yuav tsum txib neeg mus hu cov txwjlaus uas saib xyuas cov ntseeg tuaj thov Vajtswv pab nws, thiab tuav Yexus lub npe muab roj pleev nws.

Yog lawv cia siab hais tias, Vajtswv yuav teb lawv tej lus thov, tej lus ntawd yuav pab tau tus neeg mob ntawd zoo. Vajtswv yuav ntxiv siav, ntxiv zog rau nws kom nws muaj zog li qub, thiab Vajtswv yuav zam tej kev txhaum uas nws tau ua los lawm huv tibi mus.

Yog li ntawd nej ib leeg yuav tsum lees kev txhaum rau ib leeg, thiab ib leeg thov Vajtswv pab ib leeg nej tej mob thiaj yuav zoo.

Tej lus uas tus neeg ncaincees thov Vajtswv, muaj hwjchim heev. (Yakaunpaus 5:14-16)

386

YEXUS YUAV ROV QAB LOS HAUV NTIAJTEB NO

Thaum Yexus tabtom mus, lawv tseem ntsia saum ntuj ua ciav muaj ob tug txivneej hnav tsoostsho dawbpaug los sawv ntawm lawv.

Nkawv hais rau lawv hais tias, cov neeg Kalilais es, nej sawvntug ntsia saum ntuj ua dabtsi? Tus Yexus uas Vajtswv nyuam qhuav coj mus saum Ceebtsheej lawm no, nws yeej yuav rov qab los ib yam nkaus li thaum uas nej pom nws mus ntag. (Cov tub txib 1:10,11)

Zaj uas peb qhia rau nej no twb yog peb qhia raws li peb tus Tswv Yexus tej lus qhia uas hais tias, hnuv uas tus Tswv Yexus rov qab los, peb cov uas tseem ua neej nyob, peb yuav tsis xub ua cov tuag lawm ntej mus.

Thaum tus Tswv Yexus yuav los saum Ceebtsheej los, sawvdaws yuav hnov ib lub suab hu nrov nrov saum Ceebtsheej, thiab yuav hnov tus thawj tubtxib saum Ceebtsheej